



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

9. Dies Octob. Sapiens affuescit futuris malis, & quæ alii diu patiendo levia faciunt, hic levia facit diu cogitando.

urn:nbn:de:hbz:466:1-45477

9. DIES OCTOB.

Sapiens affuescit futuris malis, & quæ alii diu pati-
endo levia faciunt, hic levia facit diu cogitando;
Seneca Epist. 18.

Præmeditatio. I. **V**ita quam agimus duos habet torto-
res, Timorem; & Dolorem. Al-
teruter semper hæret à tergoie,
hinc mœror in pectore. Dum est adversitas, ferit nos
dolor; dum prosperitas, tundit nos Timor. Nam
timemus ne quod gratum est perdamus. Itaque quan-
do tibi benè est, times; quando malè est, doles. Ut
ab utroque hoc tortore simus immunes, plurimum
facit, si mala futura præmeditemur. Quapropter in
tranquillitate tempestatem, in sanitate morbum, in
divitiis paupertatem in prosperis calamitatem, ex-
pecta. Quidquid expectatum est diu, lenius accidit,
& mali præcogitati mollius ictus venit. Lexna fer-
tar, cum catulos defendit, oculorum aciem defi-
gere, ne expavescat venabula. Generosior est Vir-
tutis mos: erigit, tergitque frontem, & aperta dis-
crimina, sereno, securoque intuitu lustrat, & illis
præmeditando occurrit; Extra jus fortunæ est; nihil
fortuitum videt, omnia expectat. Jaculis prospectis,
corpus subducimus: subducit prævisio animum ma-
lis: scit illudere, dum illudit. Fugare miseras, aut
fugere, non est nostri arbitrii. Præmeditatio illas
mitigat. Vis est magna in diuturna familiaritate. Sicu-
tim nimia familiaritas, & conversatio minuit reveren-
tiam: ita malorum familiaritas, calamitatum timo-
res extenuat.

II. Præcogitanda ergò sunt omnia, & adversus e
quæ
Pars III. E e e

quæ possunt evenire, firmandus est animus, ne in-
 mis fortunæ telis dejiciatur. Tota ante oculos foris
 humanæ conditio ponatur: nec quantum frequenter
 evenit, sed quantum plurimum potest evenire, per-
 sumamus animo, si nolumus opprimi, nec ullis in-
 usitatis velut novis stupefieri. In omnia præmit-
 tus est animus: cogitandumque non quicquid solet
 fieri, sed quidquid potest fieri. Imperetur æquus
 animo, & sine querela mortalitatis tributa pen-
 mus. Hyems frigora adducit, algendum est; in-
 temperies cæli, valetudinem tentat, ægrotandum est.
 Et fera nobis alicubi occurret, aut homo feris omni-
 bus perniciosior. Aliud aqua, aliud ignis eripiet.
 Hanc rerum conditionem mutare non possumus, id
 possumus, Magnum sumere animum, quo fortiter
 fortuita patiamur: Interrogatus Diogenes quid in
 Philosophia didicisset? promptè respondit: Prævi-
 dere adversa, & cum advenerint illa patienter ferre.
 Dies medetur malis, ita & meditatio: atque utraque
 callus obducitur mœrori. Quædam enim laborum
 consuetudo, cogitatio est. Dolorem quem alii diu sus-
 tinendo, sapiens diu meditando lenit. Majora viden-
 tur quæ accidunt subito; negant enim spatium con-
 siderandi, quantula sint.

III. Hæc igitur præmeditare. Dominus es, & im-
 peras? servire potes. Opes tibi affluunt? etiam men-
 dicare potes? vires & valetudinem ostendas? unica te
 febricula, unica imò guttula necare potest. Liberi ti-
 bi sunt? Uno die omnes extinguì possunt. Amici tibi
 sunt? Et amicis & rebus omnibus una te horula,
 momentum unicum privare potest. Ad hæc præme-
 ditando te præpara, ut cum mors amicos, aut liberos
 ab-

astraxerit, dicas quod mulier Spartana. Sciebam me mortales genuisse. Cum pecunia difflexerit : sciebam non semper fore meum , quod solo usu fuerat meum : serò animus ad periculorum patientiam post pericula instruitur. Non putavi hoc futurum : nunquam hoc eventurum credidissem. Quare autem non ? Quæ sunt divitiæ, quas non egestas, & fames, & mendicitas à tergo sequatur ? Quæ dignitas : quam nonnullæ maculæ, & extrema contemptio comiterur ? quid regnum est, cui non parata sit ruina, & proculcatio, & Dominus, & Carnifex ? nec magnis interval- lis divisa, sed horæ momentum interest inter Imperium, & exilium, imò inter solium, & sterquilinum. Scito igitur omnem felicitatem desolatoriam esse, & quicquid ulli accidit, posse & tibi accidere. Tantum cavendum est, ne quid tibi subito accidat. Subitæ mutationes lædunt corpora, ita & animos fauciant. Vicissitudines animi subeunt paulatim : non saltu ab hyeme in æstatem itur ; intercedit ver ; ne repentinus ardor quasset valetudinem. Meditatio præparat animos ad malorum ætus, sicut vernus tepor artus. Alè ergò illud tibi imprime. Tela prævisa minus feriunt : cui calculum adjicit Poëta :

Se minis afflictum sensit, qui prævidet ictum.

10. DIES OCTOB.

Si vis omnem sollicitudinem exuere, quidquid vereris ne eveniat, eventurum utique propone. *Seneca Epist. 24.*